

碧

山

樂

府

碧山樂府

近體

卷之三

套數

上卷

雙調

十三闕

越調

一闕

仙呂

二闕

南呂

四闕

中呂

二闕

套數上卷目錄終

碧山樂府

近體

套數 上卷

雙調 十三闕

歸興

新水令 憶秋風遷客走天涯喜歸來碧山亭下水田十數
畝茅屋兩三家暮雨朝霞粧點出輞川圖

駐馬廳 暗想東華五夜清霜寒控馬尋思別駕滿廳殘月
曉排衙路危常與虎狼狎命乖却被兒童罵到如今誰管
咱葫蘆提一任閑頑耍

沉醉東風

有時節

露赤脚山巔水涯

有時節

科白頭柳堰

桃峽戴甚麼折角巾結甚麼狂生破得清閑不說榮華提起封侯幾萬家把一箇薄福的先生笑殺

折桂令問先生有甚生涯賞月登樓遇酒簪花皓齒朱唇輕歌妙舞越女秦娃不索問高車駟馬也休提白雪黃芽春雨桑麻秋水魚鰕痛飲是前程爛醉是生涯

鴈兒落再休提玄都觀裏老再休說丹鳳樓前話賣不着青錢萬選才掙不上黃閣三公大

得勝令不追隨綠鬢閣烏紗不思量紫殿草白麻也不飲

七寶紅玉笋也不騎千金赤兔馬素指撥琵琶把一箇碧
荷筒忙吸罷翠袖舞煙霞把一領絳羅袍典當咱

沽美酒我則見蜜蜂兒鬧午衙粉蝶兒戀春葩蝶使蜂媒
勞攘殺且粧聾做啞不煩惱不驚怕

太平令愛的是碧莎長夜雨鳴蛙綠槐高曉月啼鴉風吹
綻芭蕉兩叉露滴濕薔薇一架呀傍青門種瓜學玉川煮

茶買這等光陰無價

離亭宴帶歡拍煞想着那人間富貴同飄瓦眼前歲月如
奔馬不是俺自誇脫離了虎狼關結識上鷗鷺伴塗抹殺

麒麟圖登山不索錢有地堪學稼悶了時書樓中戲耍吟
幾首少陵詩寫兩箇義之字講一會君平卦羊裘雪穿
驢背尋春跨醉了時駒上的睡咱看我這沒是非一枕夢
兒甜索強似爭名利千般意見假

壽母太恭人

新水令 海天春雨結璠桃看扶桑影兒初照翠翹金鳳穩
錦帔彩霞飄玉珮輕搖西王母正來到

駐馬廳 織女曾邀明月樓前乞夜巧麻姑含笑碧桃花底
勸春醪生兒羞比鳳凰毛添孫喜卜熊羆兆春未老青銅

不變容顏好

鴈兒落身住在千尋彩鳳巢名寫入五色螭龍詔一箇兒
曾陪宰相遊一箇兒生把王侯傲

得勝令一箇兒山水伴漁樵一箇兒金紫顯英豪齊整整
蘭玉諸孫盛氣奕奕虹霓萬丈高難學孟母三遷教難消
瑶池千載桃

川撥掠今日箇樂陶陶書偏長春正好我則見仙女吹簫
仙客騎鶴仙酒盈瓢直吃到天荒地老

七弟兄又則見碧霄月高轉蒼梢坐瓊筵賸把銀缸照舞

萊衣僊鶴裙飄滿銅壺未許金鷄報

梅蒼酒比蓬萊閭死高草長瓊瑤桂接雲霄人友松喬論
賢阿誰比倫種福也有根苗小可的誰能到從今後蓬湖
景許人描神仙簿把名標東海變凡遇遭南山壽永堅牢
收江南盡堂再鼓碧雲歌樂聲爭比笑聲高靈丹九轉不
須燒指指頭笑了八旬直抵萬年遙

春興

新水令晚風臺榭怯餘寒攬春心小桃初綻烟愁思闌苑
雲雨隔巫山恨鎖眉端百忙里夢兒斷

駐馬廳小小雲鬟當日箇月下相逢情尚淺溶溶
來也燈前私語意牢拴綵雲樓閣夜乘鸞繡園
燕這些時歡會減幾番家空把佳期盼

鴈兒落想着他心腸兒不撒奸性格兒忒靈變教着的所
事能見了的都學遍

得勝令有時節回閣倚雕闌綠酒染朱顏共飲千盞盡從
教五鼓殘能頑啞謎兒偏曾慣偷歡真心兒能自管

川撥掉若說起兩情難海同枯天共遠想着他眉黛雙彎
雲鬢高盤玉指輕彈怎下的輕拋易閃

七弟兄恨則恨左難右難不相瞞楚陽臺險似連雲棧武陵溪翻做太行山晚粧樓不倚編脩院

梅老酒惡相思有幾般風雨又摧殘蒼草又爛斑春色又回還想着他愁轉增吃緊的淚潄潄似梨老帶雨看有一

日比翼鳥却歸山連理樹得成攢合歡鏡喜團圓同心結

許重蟠

收江南那時節鳳衾鴛枕藹芝蘭燭花雙照淚痕乾玉簫聲轉月明間不是咱自侃風流堪比謝東山

壽王母太恭人

景續稿

新水令 撫臺樓閣近南山暗香生蠟梅庭院春醅浮綠蟻
風榭舞青鸞洞府雲景這光景幾曾見

駐馬廳良履鳴環錦帔宮羅霞碎剪白頭頰面翠翹珠結
鳳高盤板輿暫歇彩雲間瑤池早赴蟠桃宴天共遠籌添
海屋千千遍

沉醉東風斟美醞金波玉盞列珍羞鳳髓龍肝喜八旬五
福齊樂一日千金換到大來兩字平安休把都臺當等閒
這便是蓬萊閭苑

折桂令 五苓新錦誥龍蟠天語丁寧坤德幽閑克相夫君

教成賢子才壓朝端成就了朱衣象簡怎能忘清夜能尤
報道平反喜動慈顏請請生春日日加餐

沽美酒我則見韻悠悠做管絃喜孜孜舞斑斕不影常隨
春日轉好光陰未晚蒼成簇錦成橫

太平令見如今撫鎮着百二河山保障着萬里邊關氣昂
昂轟雷掣電不弱似大韓小范你看那文官武官一箇箇
喜歡都望着萱堂祝贊

離亭宴帶歡拍敘從今後柔萱堂比春光滿碧桃花底香
風軟只願的官階早轉恩飛下九重天誥封着一品貴名

寫入群仙傳南極星遶樓北海雲生岸閒來時從頭兒點
檢想當初舉案事梁鴻捧檄看毛義剪髮成陶侃善根種
福多史策流芳遠好將這雙龍玉管吹一曲鳳凰吟聽三
秦歌頌滿

秋夜枕上聞笛

彙新稿

新水令月輪綫上碧梧梢早安排矮床一覺枕邊誰喚醒
心內自量度又不是鳳管鸞簫那里有這音調

鴈兒落漸漸的隨風韻轉高越越的入耳心歡樂這的是
蒼間春雨亭休認做夢裏邯鄲道

得勝令又不是仙客誇黃鶴又不是王母赴蟠桃元來是
羌管痴兒弄因此上松門稚子敲煎熬霎時兒都撇寫道
遙願從今直到老

清江引鍾送黃昏鷄報曉勞攘的無顛倒人是百年人在
做千年調似這等清閒何處討

壽禮部尙書曲沃李公八十

景新稿

新水令彩霞千頃遶南庄畫樓開壽仙初降煖風回嫩柳
麗日上扶桑雲幕高張堪寫在回圖上

駐馬廳寶樹成行影布香階春共長靈椿千丈壽逢元日

景非常陽春白雪郢人腔金盃玉液襄陵釀無半晌仙容
笑染蟠桃樣

沉醉東風尚書履曾勞帝獎紫朝服舊惹天香碾羊脂玉
帶圍記虎拜金鑾上是皇家報國忠良兩鬢歸來未有霜
笑伴着風清月朗

折桂令四十年鳳闕翱翔氣壯風雪節凜冰霜京尹賢勞
銀臺德望司馬鋪張着緊處直前向往急流中勇退歸藏
王屋青蒼汾水汪洋擡頭時看一會臺霞低頭時笑一會
炎涼

沽美酒我則見繡衣君宴錦堂手執着紫霞觴一派笙簫
風外響碧天邊氣爽壽星引法星長

太平令更那看太學生錦繡文章百里侯今古循良一家
兒忠臣良相不負了蒼生仰望人都道南庄棟梁曾扶着
廟堂定画在凌烟閣上

離亭宴帶歌拍煞從今後瀛洲休把神仙訪蓬萊已掛長
生榜一會家比量鳳舞向竹林中鶴來棲松樹畔月掛在
梅梢上描成金碧圖彷彿風流像開來時從頭兒細想羨
商子儂同遊李老聃咱伯仲齊彭祖誰元長八旬小過活

百歲閒遊蕩不是我狂天過將天直看到滄海變桑田行山
化土壤

壽新野劉侍御母太孺人

新水令錦雲光耀五苓新墨林滴御香猶潤恩波霑壽母
皇藻托詞臣妙出絲綸把坤德發揚盡

駐馬廳畫閣生春雨露汪洋苓似錦青鸞傳信乾坤悠久
海生塵迢遙萬里指崑崙謳歌四海逢光舜瞻拜謹雲霄
咫尺天顏近

沉醉東風聽樹杪慈鳥報本喜天邊驄馬臨門滿瓊壺春

酒香伴玉尊仙芝嫩繡官羅夢角隣响一曲長生萬福臻
這光景誰能似您

折桂令想當初教子殷勤裁剪煙霞吞吐風雲杏苑仙郎
荅封茂宰蘭閣直臣監茶馬填實外間走豺狼汎掃三秦
仰報明君過省慈親意切萱堂夢遶楓宸

沽美酒想着那卧龍岡萬畝雲雛鳳庄百般春白鹿玄鶴
先後引行安來坐穩喜孜孜撫兒孫

太平令長記的降神靈高岳生申育英才學海藏珍不負
了三遷之訓成就了萬人之俊不久的秉鈞冠倫做一箇

筆臣統顯着海天鵬運

離亭宴歇拍煞見如今威行到手冰霜凜
詩成滿把珠璣滾喜則喜還鄉畫錦春
宛轉鵲聲和夙杳梟龍涎噴早問
候鷄鳴寢麻姑送酒頻王母乘鸞近
這等光陰要緊舉蒼下碧瑤觴舞
鳳外斑衣袖輕肘後黃金印臣賢
帝寵潑子孝天心順赴蟠桃年年
宴飲願北闕誥重頒祝南山壽齊
準

送夏太守辭官歸

彙新稿

新水令 灞陵橋外凍雲垂玉驄驕柳絲難繫懶趨簪客

夢想釣魚磯感慨思歸端的是有今日

鴈兒落遮莫你攀轅父老泣怎奈我浮海英雄氣剛跳出
龍潭虎窟中盼不到綠水青山際

得勝令顫巍上翠竹遶南池香馥上黃菊滿東籬百忙里

蟻釀花前醉誰又把鸞笙月底吹珠璣好句同誰覓熊羆
佳音報我知

清江引苦天才怎教間棄擲恰遇明良世難忘報國心怎
戀登山屐碧梧岡早看丹鳳起

壽高陵劉監生克新丑彙新稿

新水令彩毫新制壽萱堂得谿田老仙光壯佳兒心正切
賢母德無雙開宴稱觴碧山田細歌唱

駐馬廳律轉微陽小院梅梢春漸長天垂嘉貺北堂萱草
晚生香婺星長閃碧霄光瑤池又見青鸞降對南山夙日
朗相邀王母同勸賞

沉醉東風天賦與聰明秀爽人都誇慈孝溫良扶病姑人
怎學相夫子無違抗藹仁恩隣里親坊頌德稱賢世不忘
說甚麼黃金萬兩

折桂令女流中誰可頡頏蕙質蘭心玉美金良字帖曾臨

詩書廣記事體能量推甲子今來古往卜人生鳬短鶴長
勤儉周詳用度循常喜的是冷淡家風怪的是羅錦衣裳
鴈兒落治閨門正紀綱教賢子師名相論文章第一流吐
豪氣三千丈

得勝令遊上國早觀光回故里且潛藏待虎榜三秋動看
鵬程萬里翔學問又汪洋怎落在寒生巷畧字又軒昂準
登着天子堂

沽美酒喜如今奉慈闈孝不忘視遐齡永無疆養志承顏
在母傍任寒來暑往儘瀟灑儘徜徉

太平令 交的是豪俊賢良講的是孝友綱常撫愛着同胞
和暢正學得嚴親辭讓明因此上母康體強壽長說甚麼
封侯拜將

曉亭宴帶歇拍煞今日箇華筵大啓嘉賓往蟠桃華出仙
人掌誥和氣滿堂看曉日上扶桑聽雲璈彈壽曲正春酒
新釀逍遙傳俎間彷彿蓬萊上更那看前趨後隨舞萊
衣二子賢歌周雅諸孫盛比陶母群親仰載斟介壽盃願
遂長生望不久的褒封顯揚恩飛下

九重天 名標入千載勝

古崖魏侍御手書堂扁感而有作

葉新稿

新水令 錦堂德祚扁新懸暮年來倍增光艷煙霞相映遶
星斗巧纏聯風日照妍正值着賀正旦

爲兒落繡衣公親揮筆似椽花縣宰攬布心如鑑猛聽得
風中金鼓喧恰便似海上蓬萊宴

得勝令

呀

他都說楚叟德能全管情保孫子祚延綿托賴

着累世陰功大惟願的千秋支派遠似說着蒼天老心腸
怎敢生虧玷感謝了群賢這交情怎能輕棄閃

清江引 脩德在人報在天這言語非虛誕源流自長葉

茂根無欠有德呵自然苗緒顯

耆老堂叔壽七十八歲其子九澤設宴稱慶爲製

詞以侑觴云

彙新稿

新水令 少微星光接壽星高曉風清喜聞仙樂葵榴呈夏
景樽俎啓春醪膝下藍袍獻一曲萬年調

駐馬廳 人世逍遙薄利浮名如芥草雲林談笑童顏鶴髮
擬松喬遐齡未久八旬交虛心自有長生藥天生成圖画
巧門闌紫翠南山遶

雁兒落 喜的是賢達四子高愛的是俊雅諸孫妙一箇七

能存孝友心一箇上不費家庭教

得勝令

呀

今日箇画閣撥雲璫索強如瑤海飲蟠桃排列

着玉友開華宴恰便似蓬仙下碧霄一會家評跋小可的
誰能到原有箇根苗是從前脩善早

川撥掉因此上產英豪論才華同類少你看他心悟義文
筆滾波濤志在雲霄要飛上鑾坡鳳沼跳龍門萬丈高

七弟兄眼時下苦遭困着且遊傲紫薇垣未久文星照廣
寒宮爭喜桂香飄曲江池坐倚瓊林笑

梅茶酒

呀

不負了這苦學看鵬運扶搖受

龍誥封褒報

烏哺劬勞那時節忠盡多纔顯得孝名高天福善理宜昭
今日箇瑞煙遶綠槐高薰風拂玉琴操戲彩袖舞飄飈飲
瓊觴醉滔

夜江南呀鳥飛兔走自昏朝桑田滄海起歌謠黃金白璧
等閒消似這般敬老孝心留與子孫學

予自己亥冬十二月後屢遭骨肉之戚不製詞自
壽者數年矣迺癸卯春病痰甚危至甲辰春幸
愈于是喜甚復製詞爲七十七自壽云

景新稿

新水令數年來無一曲慶生辰喜今番幸脫灾運白摩挲

新杖履天賜與老精神兩目昏上近來也見分寸

雁兒落喜的是雲收山色新露滴松梢潤春天蔗境長晝

永槐堂蔭

得勝令

呀

喜夜

上

吾姪共吾孫賢弟與賢親齊祝南山壽

里開北海樽老身敢妄想期願分蒼髮怎能酬覆育恩

河江引想人生第一無病疾富貴何須論但教心正直自

有天安頓得平安怎說官一品

賀對山先生六十一壽

景新稿

錦上花甲子重回群仙稱慶山色當樓蒼影移庭笑舉瓊

后漫撥玉箏地近瑤池青鸞下紫冥數莖皓髮新雙秀壽
眉青似一箇仙翁落下蓬瀛音比洪鍾步又輕酒面微紅
今朝拚酩酊

銷金帳分明画做一幅蟠桃曄品鸞簫吹鳳笙花枝繡屏
彩霞映又一種情興層樓晚涼且將闌干同凭蘭麝細裊
南薰暗逐花陰暝低低問玉仙玉仙道耐老入聖

折桂令這一箇耐老先生是一箇蓋世英雄山水鍾靈班
馬文章風雲氣槩湖海聲名都仰望麒麟画影且追隨鷗
鷺忘形柳岸茶亭春酒銀鉶受用煞舞輕歌遊味着水

碧山青

江兒水把山水朝遊味桑榆催暮景喜佳兒歸萊老子
歡情更明珠彩海鮮騰事業萬年成豪華一羽輕詩禮趨
庭寶主連城慶源深世澤長波溢萬頃世爵堂煙消霧清
御製帖金輝玉映思想起便怎忘報主情

雁兒落帶得勝令

即平沙凱歌

難忘報主情怎改豪傑性

若居臺閣尊一掃乾坤淨醜惡媼婢婷白玉點青蠅臧奉
添遐壽狂歌托聖明蒼生霖雨還須倩先生商巖未許停
疊字錦帶沉醉東風暗想向日玉珮金縷裏行暗想向日

玉珮金釵裏行好飛騰霄漢影扶搖九萬鵬脩翎半垂雲
林霧巘間嘯傲添得霜鬢一兩星滯水畔親種杏樹成猛
見得門前橫着小艇落紅萬片這就是桃源徑暗想向日
玉珮金釵裏行也似一場邯鄲夢惺惺蓬萊日邊雲橫蒼
下紫翠且停尋思了自歎喜逢着太平年嘉靖華夷海嶠
榮花 皇恩歌咏看咱狀元及第受 皇恩還須自省

川撥掉帶七弟兄萬卷透九流精苦天才憂世情口角風
霆腹內刀兵筆底干戈手段堪調玉鼎若重上五鳳城
望雲霄猛撻把日月高擎罄丹心輔 皇明太平勲業崢

嶠誰與並清風
黃閣萬年名
急的呵才見狀元盛

川撥棹

南

天子命把經綸藏釣艇
許西岸醉卧沙汀是誰

人將咱喚醒道今朝孫桂生
喜氣充閣香滿城列錦筵開
玉鉶傳盃羣翠娥紅卿
怎能盡今朝歡娛興
聽南窗雛鳳聲

梅花酒帶喜江南
享遐福樂晚境遇盛世喜昇平
萬事堪歌咏
老似錦酒如湍把南山作
回屏看松栢萬年青
藍橋下見雲英飲
瓊漿住瑤京青鸞送
黃鸞成彩雲駕許飛瓊
旁正是瑤池春宴
雨初晴蟠桃色映海霞明
陽春白雪起

歌聲金昆王季足怡情歌一曲長生狀元郎堪比老人星
餘音壽山學海今堪並惟願的孫枝繁盛看取百世傳名

越調 一闋

壽對山先生

繡停鍼雨過層樓檻外南山翠欲流仙娃帶笑開春酒洗
玉觴舉意綢繆今日是狀元郎壽節玉堂裏仙子下瀛洲
宮紗香惹龍涎透絲絛細結虎鬚奈長劍氣射牛斗

小桃紅午風瀟洒滯川頭聽一派生歌奏錦瑟瑤箏玉奴
手遶圓梁雪兒謳金釵對舞湘裙皺紫雲他落後別樣好

風流縷金屏斜倚撥空篴

合笙雕簷綠柳映日色紅榴則把繡簾幕掛玉鈎嬌鶯乳
燕相趁逐青娥皓齒厮攢轉圖画天開恰便似蓬萊困桃
花扇底紫沉烟裊黃金獸冰絲脆雪白蓮藕付與纖手王
手異果珍羞碧梧翠竹

道合繡筵賓客金蘭友流霞細瀉紫金甌齊祝南山壽雲
邊海屋又添籌盈上翠袖笑撚花枝瘦董雙成來說海桃
熟

調笑令暗想老龍頭策對萬言誰與倚筆尖調出江山秀

端的與社稷分憂不落在英雄三百後他也曾名壓皇州
山馬客劉地歸休濟西伴鷺鷥撥天關本事落在滄洲依
鷺渚望龍樓萬里江湖鬢影秋笑看吳鉤碧天外星稀月
浮試邀取嫦娥同跨翠虬

憶多嬌名已就子亦有鳳毛麟角光前啓後駟馬高門尚
書華胄種福根深任教天長地久

要廝兒運毛穎龍蛇科斗麗藻宏辭班馬爭優七步詩成
子建流比李杜恐難酬衆口合休

聖藥王恣行樂快遠遊笑五侯虛名薄利等浮漚玉天仙

簫史友鳳簫吹徹月當樓此外更何求

金雀葉也不輪竿雲妙手也不開談天大口閑時去烟村
訪舊悶了在花陰縱酒

豹子令 一代英雄三輔秀且九州清福合餐八千秋拉浮
丘等閒綠髮成白首桑田萬頃海波流看金烏玉兔閑飛
走

梅巷酒雪兒再謳紫雲舞就起來不覺金釵溜笑醺滿紫
金甌願從今遊宇宙崑崙海東頭快樂遠遊狀元郎萬年
壽休得遲留天風滿袖黃鶴舞罷青鸞又看山色爛如酒

願從今遶宇宙崑崙海東頭快樂遠遊狀元郎萬年壽狀
元郎萬年壽

尾聲門前翠鎖陶令柳長記取畫堂清晝惟願年年來斟
賀壽酒

仙呂二闕

康對山阻雨

點絳脣雲滿秦川客樓山縣何曾見野水連天眼底秋將
晚

混江龍想着那碧梧庭院雨聲兒偏惱玉堂仙他向那心

頭亂滴耳畔直穿四壁寒蛩如訴苦滿床屋漏攪愁眠吃
緊的清秋宋玉楚人悲白頭子美書生歎那里有携樽比
海下榻陳蕃

油葫蘆剛喜中秋月影圓喜嫦娥落舞筵忽刺入廣寒宮
闕鎖嬋娟把一箇翠微樓移在青泥坂把一箇紫薇垣變
做黃蘆岸半空中翻了海波平地上滾着湧泉一箇上就
長街要把浮槎泛管甚麼牛斗是張騫

天下樂誰喚取佳人舞繡筵似這等迤邐度一日勝一年
近新來孟嘗君也不甚麼賢謊話兒調美的圓腳踪兒趨

避得遠因此上對西風費了些酒錢

青生一他待要入海口推出紅日鍊石頭補了漏天把那
青山盡露芙蓉片青霄淨洗嫦娥面青鸞早赴蟠桃宴打
疊起寒窗一點一聲愁準備着佳人一舞一歌勸

賺煞到明朝日麗曉天青風捲凝雲散怕甚麼河寬路遠
想着那寶馬香車林外轉早來到武水城邊遶華筵簫鼓
喧闐醉倒風流老狀元這紫閣下傾仙是你白頭的姻眷
你可也使心兒頻寄彩雲箋

園亭避暑有感因勸少年

景新稿

點絳脣暮景桑榆幾回思慮從今悟浪飲狂呼再不去尋
歌舞

混江龍我在這後園中間住藤床菊枕小規模灌園時家
僮汲水烹茶處稚子提壺皓月當階涼漸好清風滿院暑
全無更有那顚巍上翠色竹搖窗暗沉上綠影槐當戶雖
不是神仙洞府權當箇學士巖居

油葫蘆日日清閑樂有餘又何須泛五湖我這裡科頭赤
腳不拘束有時節小亭前看一會玄鶴舞有時節矮木頭
一過蒼蠅賦向綠陰深處眠共紅塵跡漸疎恰儼似晉

剗卽走入桃源路却無有會勸酒那仙姝

天下樂因此上不躡文君舊酒壚笑煞了相如茂陵邊幾
卷書我如今狠心腸改變了初你便是俏西施降落在吳
倭巫娥出遊在楚也不受刺王八那些箇氣蠱

寄生草我呵平康巷丟了煤蘭鬼門關棄了王奴神仙止
許神仙做家人還以家人顧有多少聰明反被聰明誤他
戀着肥羊菜酒謝家樓全不想高車駟馬長安路

漁煞寄與你棟梁材快扯了這天羅幾時了輕歌妙舞寧
用些翡翠青燈圖下苦做一箇龜兒美玉藏諸細蹄躡

寒裏埋珠玉，待烈上。真七。偉丈夫爲這箇成精的野狐。
誤了你早朝。錦鴛鴦一很做一箇斬釘截鐵利昆吾。
向言當一刀砍斷也。

南呂 四闋

歌兒王蘭卿侍煖泉張子張子死乃亦飲藥死于
聞而異之爲此詞傳焉

一枝蒼飛騰鸞鳳林脫離愁巷玉琢成清氣質鐵打就
列心勝貞女無雙堪寫在書牋上我這里悶着筆細忖量
他有雙燕子樓許夢上的聲名也不比普救寺崔鶯兒的

勾當

梁州他曾學孟光女齊眉舉案他勝似劉盼春守志香囊
誰言紅粉多虛誑也不用山盟海誓又何須剪髮鬋香幾
分毒藥三寸靈咽美甘上滿口沙糖纔落了駒驢上一枕
黃梁做一對鬼兒夜月下携手同行變一箇連枝樹暮
雨_中盤根並長化一雙玉蝴蝶春風前接翅飛揚比量思
想風流自古多魔癩不是咱虛褒獎恰便似忠臣與良將
節凜冰霜

罵王郎蕙蘭心性老模樣當日箇正嬌小與才郎紅顏實

有白頭望誰想道老景難緣分短斯文喪

感皇恩呀也待要獨守孤孀又則怕蝶惡蜂狂道不如棄

青春歸綠野莢黃壤相伴着風清月朗道有箇地久天長
爲則爲我逢卽想則想卽愛我願則願死隨卽

採茶歌釵斷了金鳳凰被散了錦鴛鴦吉丁當帶脫了玉
螳螂流水煖泉圍故里寒鴉衰柳噪斜陽

尾聲想着他情如鳳友心中想命比鴻毛藥裏人稱面意
須教共穴共葬這一箇真心的女娘不負了回眉張敞留與
那萬古千秋教人做話兒講

賀劉山得子

景新稿

二枝花平還合浦珠氣吐豐城劍陽鳥鳴圓閣乾鵲語雕
畫動眉尖前夜夢今朝驗這一箇真實信不索占則見
老龍頭貌堂上吐氣揚眉開着那懸河口笑吟上對客
談

梁州忽記起有婦女十年前曾留話柄吃緊的求神明半
空中先得了靈籤從來真實無玷他本是狀元郎骨體
恁象那田舍子腌臢恨則恨暗中流落人裏埋藏二十年
村北城南受用致狀王兒布襖釐塩把一箇駿馬駒葫蘆

提羊圈裏沉埋把一箇麒麟種昏子謎牛阜中過遣把一箇鳳凰雛不明白鷄架底淹漸怎堪運險到如今捱出風波限恰便似冬蒼發春艷容色重添

罵王郎尚書功德蒼空鑒想當初勸

文祖恩威嚴萬人瀟洒辭列談端的是種福多積德溪無虧欠

感皇恩

呀

誰想道惡意憎嫌使着他毒手黏粘翻騰做主亡羊翁夜馬劍離幽枉尋着桃腮杏臉怎能勾執子親男從今後祖輩孫家有主客無諛

採茶歌
桑落酒玉盃
嘶沂東曲錦笳
拈直吃的画堂歌
夜厭上地久天長
家業遠碧梧翠竹
世澤覃

尾聲從今後眼前
萬事浮雲歛
身外榮華野草
芟好風月都教
許西占雲蓋着
小庵門對着遠
嵐要見那不老
的王喬便是俺

七十二自壽

彙新稿

罵玉郎
老來偏覺光陰快
喜春酒又重開
金昆玉友依然在
喜的是笑語親
身體安心腸耐

感皇恩
呀那里有閨苑
蓬萊又何須八位
三台只願的不

饑寒無病苦免疑猜常對着雲山物色吟不了夙月情懷
一會家賞豐年歌 聖主數賢才

採茶歌碧山稿曲新裁白頭客語和諧兒姪孫子把壽盃
擇宜兩宜晴秋日好一年一度壽筵排

谿田先生七十壽

景新稿

一枝苓乾坤鍾秀靈海宇逢昌運岐陽鳴瑞鳥渭北產祥麟
天啓斯文有意生賢俊想着他少年來邁等倫運彩毫
一字字戛玉敲金向白屋氣昂上學顏志尹

梁州當日箇明魯史冠秋闈千人難並後來箇治毛詩占

春榜萬馬空群臨軒

天子親策問參今古縱橫禮樂展平生抱負經綸誰想道
才傾流輩人媿英名不能勾臚唱 楓宸只落得入天曹
吞吐風雲你看他平似衡明似鑑不爽錙銖因此上進君
子退儉人能施鉞袞不久的陟銀臺向金陵瀟洒丰神他
元是箇蓋臣

帝鄰超遷光祿 天顏近陳遠謨輸衷悃都仰望皇慈轉
堯舜樹立元勲

寫王卽廟堂忽起丘園遜政只是泝學海樂天真關閩瀛

洛從先進每日家較古書成後賢安時論

感皇恩

呀

喜的是桂子蘭孫說甚麼列鼎重裯見如今起

家聲傳世德蔭

皇恩怎忘了簞瓢食飲樂陶_上俯仰乾坤有時節賞芳辰

青嶂頂綠谿濱

採茶歌不覺的數七旬直看到幾千春桑田滾滾海生塵

百世恩難忘

聖主五老誥喜贈雙親

尾聲你看那幽風介壽開春醞維社衣冠共主賓這的是

天下賢即孝能盡脩德也有根降祥也有本管情保孝子
忠臣敢世世準

中呂 二闋

麗情代作

粉蝶兒恨壓眉尖然春歸玉容慘淡坐黃昏怕捲朱簾這
些時酒杯停歌扇歇舞裙疊茜染鶯老鬼病懨懨上多管是
業相思那生少欠

醉春風花落雨聲寒衾薄風力慘一納頭憔悴過殘春這
病兒險上倦理瑤箏羞看羅帕懶開塵鑑

普天樂 盼佳期多處離望穿秋水插損春纖喜珠兒也不
志誠靈鵲兒也無憑驗昨夜銀燈老開談到今朝依舊淹
漸兀的不掂折了玉欵環脫了繡結割損了金簪

紅繡鞋論比雙合靈劍說恩情千尺深潭我心他意問
無嫌跳出鸞鴛鴦合看鳳凰占實指望好姻緣他共俺

上小樓幾時能勾烟消霧歛雲收天湛景美良辰良水秀山
明雨霽風恬倚窗對遠嵐花濃酒釀才稱了這美恩情
翠揉紅染

三見如今香消玉減夜長燈暗柳絮飛揚芍藥飄零燕子

呢喃塵滿奩淚滿衫愁絕嬌艷不知他意見中念咱也不
念

耍孩兒憑着咱芳心一寸無瑕玷他怎下的將咱棄閃風
流人物許誰粘想當初月下清談嬌羞故把良緣結惜
伶仃偏將啞謎參曲意見兒合心坎我愛他風流瀟灑他愛
我意巧情甜

星聲從教綠海翻軍將朱戶掩好姻緣終把風流占那時
節秋月春苔任意見揀

七十一 自壽 景新稿

粉蝶兒年齒雖尊無道德又無學問每日家坐蒲團半掩
柴門也只是捏歪詩吃淡酒順時守分以清風皓月爲鄰
到黃昏思困歌幾般兒安頓

醉春風你看那蒼園小藤床綈衾粗布枕磁爐香裊竹簾
低睡到來穩上百事無能七旬已過萬金休論

紅繡鞋幸遇着九重光舜快樂了四海黎民江湖閒煞
老愚臣桑榆催暮景歲月長兒孫簞瓢忘困窘

上小樓千萬朵花枝似錦三五箇玄鶴成陣月掛松梢風
送花香雨淨苔塵樂有春道不貧無憂無悶便喚做大羅

何過分

非是我逃名愛隱也不是粧呆撒啞爲只爲偶遇風波
住山林嘯傲乾坤過七旬度百春盲而有信這一片志
心到頭湏盡

聲流霞香蒲卮南山青遶門慶壽嗣一闌箏琶趣恰便
萬顆珠璣玉盤滾

山樂府套數上卷終

碧山樂府 近體

卷之四

套數 下卷

正宮 八闕

黃鍾 一闕

祀先樂章 一闕

原附栢齋何先生樂府 四闕

套數下卷目錄終

碧山樂府 近體

套數 下卷

正宮 八闕

春遊

端正好 微雨洗曉山青和風擺春波綠韶光染錦繡平鋪
主人一所藏春塢遠不出城西路

滾綉毬

我則見映垂楊水滿渠帶疎籬老遠居端的是武

陵風物

我這里

鮮雕鞍繫馬階除有村醪不用沽少金釵

須索呼做一箇賞春名目更有那幾般兒品饌非俗枕抄

王簪園中壁繪切銀絲澗底魚說甚麼百味庖厨

叨叨令

一會家

吹龍笛鳴鼉鼓清風度

一會家

轉鶯喉擊

象板行雲住

一會家

坐蒼苔眠芳草攀紅樹

一會家

扶青

熬臨綠水看白鷺兀的不喜殺人也麼哥兀的不喜殺人也麼哥再休提紫羅襪白象簡黃金鑄

脫布衫撥銀箏字落珍珠顫湘裙舞襯麝衾轉秋波常陪笑語勸金盃幾曾停住

小梁州醉倒黃公舊酒壚不索躊躇眼前得失與榮枯天之數誰巧又誰愚

么塵名乾把風流誤眼睛

上皓首白鬚

從今後

楊柳村桃

老聚淺斟低唱日日醉模糊

上小樓

怨着那

潭

上相府迢

上

官路画戟朱門大纛高牙

後擁前驅彼丈夫我丈夫虎爭狼顧就裏箇賺人坑有誰

覺悟

么我也曾榜登龍虎班隨鷓鴣口吐風雷目貌公侯志挽

唐虞力未輸與已孤青春拋去做一場黑鄧

上

夢中蕉鹿

滿庭芳何勞怨苦老明綵袖酒滿壺看老兩眼如遮霧

及早歡娛時運來官封五綬遷謫土客吊三閭這箇都

不做做一箇劉伶伴侶到處是吾廬

快和三歎光陰迅速恰便似過隙駒越越的又是五十
餘那里有千萬種閑思慮

朝天子王謝家錦屋百姓家草屋認不得貧和富烏衣巷
口日將晡總是傷情處燕子飛來誰家庭戶問東風誰是
主有黃金幾斛有良田萬畝也索要回頭顧

四邊靜望中原高低禾黍寂寞秦宮蕭條漢都千古英雄
今日歸何處笑殺山翁做箇酒徒再不上功名簿

耍孩兒我則見落葉萬點春將去憂愁殺城南杜甫典衣

沽酒意何如喜東君特地招呼休誇你批風抹月三千首
湏索盡高露流霞五百壺事上兒相看顧奴餐白飯馬飽
青刍

五煞傍花枝笑語香舞龍泉胆氣粗良辰美景真難遇鳥
聲美出笙簧譜山色堆成金碧圖眼底都成趣更看那夕
陽遠樹烟靄平蕪

四煞想東山興可同比西湖樂有餘春風十里桃源路蒼
前無奈金樽滿醉後湏教玉手扶用意兒留人住百忙里
挽回紅日苦死的緊定了白駒

三煞暈桃腮帶了酒容露春纖扯住錦裾空愁避飲難逃
去殷勤翠袖傳鸚鵡潦倒青衫問蹇驢飛不過垂楊渡相
看一笑爛醉如愚

二煞響禪林幾杵鍾落烟村數點烏一樽酒盡青山暮牧
童牛背笛聲遠楊柳樓心月影初剛扶上雕鞍去鞭撻飛
絮馬識歸途

一煞紫羅襖款上行絳紗籠遠上趨傍人又作神仙覩滿
庭花月香隨影一榻春風醉枕書有甚麻愁和慮做一箇
甕頭吏部也不落枕上華胥

尾聲乾坤寄酒盃陽春融肺腑願從今脚躡平安路說甚
麼黃閣注但風萬上古

秋興次春遊韻 彙續稿

端正好籬菊折雨中黃山楓改霜前綠望平林衰草雲鋪
短藜步出烟霞塢走不錯長安路

滾繡毬我這里過西橋楊柳渠訪東庄水竹居端的是四
圍中人物把那箇浪憂愁萬種拋除我這里趁西風恰待
要沽他那里傍斜陽不住的呼雲時間醉橫雙目任從他
笑俺村俗我在這埋頭嶺下看射鴈洗耳河邊且釣魚打

疊起錦幃紗厨

叨叨令 我將這淡黃蠶粗布襖樂陶陶且把流年度有時
節駕輕車鞭羸馬慢騰騰且向柴門住我子見雨兒零風
兒緊韻悠悠響過梧桐樹又子見牧兒歌船兒擺亂紛紛
驚起沙汀鷺兀的不喜煞人也麼哥兀的不歡煞人也麼
哥想當初吐虹霓吞湖海氣昂昂要把干將鑄

脫布衫再不取滄海驪珠再不躡紫殿紅旂尋幾箇樵夫
共語蓋一座草亭閒住

小梁州 一枕黃梁出鼎爐感歎躊躇朱顏鏡裏已衰枯窮

達觀笑不準智和愚

么般勤休把農桑誤也索尋赤腳長鬚若提起龍虎爭風
雲聚攪頭休覷子好把眼兒糊

上小樓這一箇神仙洞府村庄平路任我逍遙任我追遊
任我馳驅看他魯大元楚大夫無人回顧一個個腆胸脯
幾曾省悟

么喜子喜脫離狼虎結交鸚鵡鷺兒如今萬國朝元千載逢
堯四岳扶唐氣已漸德不孤春來秋去一任我性疎狂野
麋山鹿

滿庭芳 農家最苦老翁餉黍稚子提壺一簑冒雨衝寒霧
怎得歡娛牧芳郊肥健瘦幾傍流水小巷斜閭這活計年
年做玉堂舊侶無夢到皇廬

快活三問歸期遲與速騎一箇小龍駒恰行過半山餘大
拚着歸去晚何須慮

朝天子 稻梁也滿屋菜蔬也滿屋才顯着農家富樹頭日
轉影將明正是倦歸來處妻子烹茶兒童開戶小家緣咱
做主奉瓊珠滿斛擺珊瑚竟畝這富貴咱不顧

四邊靜喜知音同食鷄黍感歎秋風瞻依帝都雙闕魏我

彷彿雲深處努力公卿寄語爾徒一箇箇定要上忠良簿
要孩兒我子見長江滾滾東流去思量起悲秋杜甫登高
能賦有誰如壓碎了駐雀喧呼聲隨落木風如剪影湛清
冰月滿壺這人兒真堪顧連城美玉一束生芻

五煞喜 明君聖不矜喜良臣計不粗明良千載今遭遇
太平眼見華夷表長策同爲 社稷圖天保詩人趣空教
想像自揣荒蕪

四煞豪華幾載過星霜鬢髮餘馬蹄兒忘却東華路乾坤
尚有丹心苦日月誰將赤手扶自樂在林泉住獵常悲黃

犬興不在驪駒

三煞想君門掛錦袍親庭戲彩裾流光似水拋人去道傍
不効桓公馬山下常騎魏野船兒空無人渡君乎休笑
吾也非愚

二煞嘆寒空野水鶴噪斜陽衰柳烏淡烟微靄秋容暮錦
囊滿貯詩成早瓦盞徵斟酒飲初乘興也登山去嵐光滴
翠雲影隄途

一煞傍眉霄月已多望衡門客可趨風流未許時人覩恥
隨神放南山隱休上襄陽北窗書却也有江湖慮願地天

交泰魚水和晉

星聲秋陽散曉暉秋霜凝臟腑迨往來漢關秦宮路對着
這萬頃秋光自吊古

次韻贈邵晉夫

景續稿

端正好胸次有海波寬髮毛比春雲綠落筆錦五色橫鋪
早年出落在文童塢及早得青雲路

滾繡毬睹江河隘小渠吐風雲步廣居端的是太平人物
誰想道命界中加減乘除價連城玉怎沽影盤空鳳怎呼
照夜寶翻騰做魚目真箇是妬蛾眉眼底朕俗誰家玉貌

叙橫燕何處金緋帶樹魚把一箇俊人才困師在書厨
吩咐令長記得向桃林遊泮水侍椿庭曾把青氍度他可
也擲金聲開繡口頌華風能使高軒駐又子見步雲梯持
月斧誆嫦娥砍倒蟾宮樹他可也沐清流潔皓體離紅塵
堪比滄江鷺兒的不惱煞人也麼哥兀的不惱煞人也麼
哥誰想道遇蘇公怨卷伯歎仲尼空把顏回鑄
脫布衫他原是掌上明珠看承做脚底毛氍毹紛紛狂言
怪語把一箇忽刺刺盡輪截住

小梁州他不上成都賣酒壚展轉騰騰瑤琴誰識尾焦枯

英雄數一慧壓千思

么用心兒休把交遊誤怕子怕鬼面神鬚從今後涇桎座
谿田聚河西林下來往莫模糊

上小樓他住在岐周舊府橫渠臨路學海遨遊理窟潛藏
周道馳驅大丈夫偉丈夫東瞻西顧吃緊的玩西銘洒然
醒悟

么他是箇文中猛虎天邊聞鷺頌禱明良仰慕昇平儆戒
無虞他巧似輪枝已孤匆匆歸去恁能勾喚英雄並驅逐
鹿

滿庭芳 生涯未苦春回蓬島人在方壺奇花異草浮烟霧
多少清娛也不索烹牛宰殺又何須大厦高閣胡麻飯尋
常做風朋月侶受用足一茅廬

快活三 想當初歸去速疾忙底駕驪駒隱趣在鳳山餘打
疊起安邦策封侯慮

朝天子 棲遲在板屋逍遙似海屋永不羨石崇富流光似
水曉還明總是行吟處綠柳圍牆青山當戶這風光堪作
主賣賦金幾斛有郭田萬畝他怎肯擡頭顧

四邊靜 有時節殺鷄爲黍客問前朝咱懷舊都漢塚周陵

總是傷情處歎息姜牙碯谿釣徒臨老也標寫在元勳
要孩兒有時節傍老隨柳尋春去錯認做寒郊瘦甫急回
頭又喚馬相如任從他信口稱呼奚奴斜背詩囊錦春酒
香隨碧玉壺到處里人爭顧白駒難繫願抹生芻

五蓋少陵仙詩本高丘陵豪氣頗粗而敝兒自古難相遇
氣噓成日夾虹霓影詩點就千篇山水圖說不盡風流趣
黃鸝綠柳白鷺青蕪

四筵自歸來廿載過喜動開萬卷餘霜毫染紙龍蛇路文
章起草何須改氣節凌雲不用扶本宜在全園住鷄籠中

怎棲鳳牛皇裏困煞龍駒

三煞劉吳峰做了冠剪春霞做了碣徘徊宇宙間來去佩
懸明月如懸玉穩踏蒼虬不跨驢咫尺銀河渡乾坤一
笑今古真愚

二煞有誰分蛇與龍有誰知鳳與烏光陰自且還將暮萱
草堂北逢春早荆樹庭前過雨初休更訪瑤池去家庭宴
樂踐履交途

一煞宦海深他怎避勢門開衆所趨眼前世態真難覩休
提八座三公位自有先秦兩漢書却有箇終身慮馬班伯

蘇李徒胥

尾聲同心勵節操知音談肺腑願從今早覓升堂路誰敢
道三輔英才不似古

七旬自壽

彙新稿

端正好天賜我古稀年幸逢此景平日兒孫整慶壽筵席
曉來画閣笙簫沸透簾幕金風細

滾繡毬也無甚坐重裯列鼎食我則見遶門闌車馬集一
箇箇志壓着五陵豪氣他都說盡今朝不醉無歸列花堦
歌舞齊勸流霞盃學飛不覺的主賓沉醉把一箇衍慶堂

改換做閬苑瑤池

喜則喜

南山壽永春常在

愧則愧

北闕

恩深報已遲

願則願

明聖主洪福天齊

脫布衫喜如今飽煖安逸又何須衣馬輕肥兩耳根塵埃
淨洗矮床頭日高猶睡

小梁州鑿井耕田事可爲灌圃扶犁孫兒開卷口吾吟

件兒

真活計此外再休提

么生來本是山林輩受用着白酒黃鷄吟幾首蒼鳥詩寫
一本農桑記清閒雅致快樂了是便宜

朝天子春兩亭這里碧山亭那里悶了時閑遊戲傍蒼蒨
柳邊別溪唱一會遊春記暮鳥投林曉山疊翠喜孜孜倚
杖藜巨家道漢陂不快樂恁的這光景非容易

耍孩兒從今後存心要把陰功立第一要戒之在得想人
生諄悔老來迷細斟量休得差池衛武公改過詩人美蘧
伯玉行藏孔子知更有箇風流趣雖是在桑榆暮景常思
想童冠浴沂

一煞量不如東海寬名何須北斗齊訪仙尋藥非吾意烟
蒼塲裏休沾惹安樂窩中細品題這一種閒滋味有風有

梨山集卷之二
月無是無非

尾聲兒孫規矩中弟兄談笑裏願從今壽酒年年醉便是
我野老的前程萬萬里

賀三原秦子京新居

彙新稿

端正好碧山前清河外統祥烟甲第新開主人元是經綸
客便做作規模大

滾綉毬我則見畫梁高燕鵲來玳筵張賓友排盡都是五
陵豪邁他那里奉瑤觴細說中懷道東君梁棟材奈中途
時運乖只落得紫袍金帶怎教棲草舍茅齋本是箇子尋

白玉擎天柱堪走上百尺黃金拜將臺天自有安排

倘秀才後園中栽箇凌霄花翠栢前庭下種幾箇吟風綠
槐更有那寬外紅梅冒雪開迎皓月淡蒼苔且從容數載
么有時節倚雕闌情看山色有時節臨芳榭問聽鳥喈這
的是安樂窩中且打乖堪酒樂免疑猜這光陰怎買

脫布衫有一日霧歛雲開整朝衣重上玉階展放出掀天
手策五鳳樓霎時脩蓋

小梁州大慶如山通九垓萬姓和諧功成還訪小蓬萊真
堪愛眼底子孫排

么那時童顏鶴髮遊仙界
喜人間五福齊來吃緊的壽
筵長陰功大雲仍一派世產英才

星聲善居室衛子荆陳元龍樓上客
喜乾坤萬里無遮礙
遙望著鳳闕天邊龍瑞靄

爲許柳溪作

景新稿

端正好古城南東崖下
溪流渺十里平沙主人不惜千金
價買一幅蓬萊画

滾繡毬也不是晉先生五柳家
也不是漢將軍細柳衙我
則見綠依依款款低壓多管是
數年來愛護萌芽避洛陽

千種苍接桃林萬畝霞占盡了碧灣青汊蘸澄波隱約無
涯朝陽曾起千年鳳暮靄常樓數點鴉端的是翠色交加
脫布衫忘當初萬卷生涯要支承累世門閥隔前溪墻垣
漫打傍東崖草亭低架

小梁州學孔希顏路不差剗却繁華明習今古又通達心
胸大筆底掃烟霞

〔么〕驂騑怎守塩車下望雲霄萬里騰踏見如今治楚邦追
黃霸承流宣化歌舞萬人家

〔朝天子〕函谷庄這答松臯庄那答柳溪庄相連跨高陽才

子有誰家細評品堪同駕荀氏八龍
虛傳聲價甚風流比
並咄勲階又轉加兒孫又俊雅荷累世陰功大

耍孩兒想着那東崖公忠節傳夷夏也只要持綱正法昆
吾精彩早離匣衆妖魔怎敢親狎中流砥柱當空立冢宰
清風四海誇因此上姦諛怕英雄蓋世忠孝傳家

三煞世澤長到柳溪春色濃徧水涯一天生意難描画收
拾秋月隄行橐管領春風早坐衙出郊野觀禾稼溪釀成
一方雨露柳換做萬頃桑麻

二煞憶陶潛獨木橋笑張騫八月槎夢覓常迷東崖下年

年飛絮飄殘雪日日新梢長古杓快休說歸田話正如今
風雲際會魚水懽洽

一敘書御屏名姓高覆金甌消息佳柳溪光景新如抹
林喜見鶯遷早賀厦頻聽燕語譁一弄兒春無價恩波浩
蕩學海撐達

星聲仙翁伴柳陰溪流供壽宇願迢迢暮景多閒暇直看
到滄海桑田兀的不快樂煞

壽東平唐太守

景新稿

端正好秀奪得海山精才壓倒英雄輩彩毫洒錦繡淋漓

秋空早見鷓鴣起不負了凌雲志

滾繡毬想着那赴東城五馬馳布骨澤萬姓肥端的是漢
廷循吏不久的受 皇恩佐郡邦畿比西州才轉苛望恒
山名可齊上青雲部曹深遂與那些衆公卿論議謀爲雖
不在瓊林宴上霑榮寵却喜在粉署班中共品題是一箇
曠世的男兒

脫布衫苦天才人指東溪地曹郎名徹 皇扉謁春風鶯
遷可喜望堯天虎符新佩

小梁州碧水蒼山道路崎旆影遲遲馬湖爭觀一千石蒼

空意天早望雲霓

〔公〕隨車常有甘霖沛數年來萬物熙熙麥兩岐穀雙穗珍
祥嘉瑞歌謠徧民夷

〔朝天子〕同二疏見幾早榮歸故里拂兩袖清風細山間林
下結茅茨喜遂了歸田計東海雲霞泰山蒼翠這風光真
箇美有時節舉盃有時節杖藜喚舊侶同遊戲

〔耍孩兒〕又則見鳳毛五色聯翩起氣吞吐風雲萬里過庭
詩禮早追隨喜雙桂月桂高枝大蘇人物誰能比小宋文
童衆所推都一樣巖廊器才稱二美名動三齊

二煞大蘇非百里程枳棘教鸞鳳棲雲霄不久飛騰起去
轍未許蒼生卧異政深蒙

聖主知指日向朝端立冰霜節操豸繡威儀

一煞小宋稱八斗才洗耳聽三月雷禹門浪煖蛟龍起鴈
班伯仲同朝日鶴髮尊翁樂意時說不盡歡娛事日加餐
飯壽邁期願

尾聲大椿椿碧霄蓬萊通弱水笑人間甲子尋常事直看
到海屋壽添萬萬紀

壽鳳泉母太宜人

巢新稿

端正好明聖主五花封西王母千年壽發星彩夜對層樓
曉風一派笙簫奏正華宴安排就

滾繡毬衣則見盡流霞碧玉甌獻陽春白雪謳樂陶陶盡
堂清晝恰便似隔紅塵闌苑瀛洲喜瑤池桃已熟問姮娥
月正秋遶香堦桂老如綉似這般受

皇恩快樂無憂誰說道人寰小住三千歲今日箇海屋綽
添第一籌茂境悠悠

脫布衫想明那嵩岳當頭更那看伊洛環流兩般兒天長
地久幾多年孕靈鍾秀

小梁州二老齊眉誰與儔堪比睢鳩鳳泉才德壓中州天心佑閒氣度名流

么慈闈本是詩書胃放三遷孟母綢繆眼見得學海深奎光透青雲馳驟千載企伊周

朝天子向金陵擁驕人刑曹斷剖明國法扶司寇如衡如水聞謀敵奉母訓疑還宥鐵筆回春朽株重秀報平反開笑口播聲名九州負才學人斗持憲節來關右

耍孩兒你看這三秦才子如雲轅而度象陶鑄日久紛七鴛馬有驕驕九方臯過眼即收寸長斤善還留意孝子忠

綢檢求一箇也無遺漏常記得慈闈有訓休將那瓊璧

輕收

〔三煞〕常奉承膝下歡盡消磨世外憂板輿迎養西臺後魚
來滌沮羨偏好稻釀幽岐酒更柔樂一日誰能勾萬金不
換八座難酬

〔一煞〕想慈闈仁孝心到如今歲月久子孫福慶堪消受錦
堂柔葉春光滿寶樹孫枝日影稠近又被

呈恩厚文星轉福星耀上學政移德政優上

〔煞〕丹青憶老臣經綸施大手年年頻祝慈闈壽官袍豈

止金爲帶

帝詔還將王作軸學與業俱承就歌一闕崑崙大雅講一派伊洛源流

星聲孝慈脩德深顯揚垂世久願芳名耿上金石壽直至那地老天荒水不朽

黃鍾一闕

康長洲公壽詞

醉花陰亭外砵稍帶微雪又早把春光漏泄蒼爛熳錦重臺重貴豪華綺座飄蘭麝白鹿駕彩雲重閣苑仙翁來到

喜遷鶯 稻香時月滿銀缸春酒清絕偏別聽樂聲鸞鳴鳳
叶映日緋袍垂玉玦清華筵羅賓客盡都是蓬萊仙子更
和那學海英傑

出隱子 風流韞藉舉進觴超走迭狀元即書就萬年牒老
萊子栽成五色顯折桂客飛騰雙鳳闕

么 桂蘭庭樹對雨山影半遮翠森森合有鳳凰穴響簾蕭
遙聞瑞兔冒氣勃上齊登盤龍客

刮地風 想着他年少風雲多氣節端的是筆走龍蛇步青

霄要把鹽宮掣一代豪俠及至得一番民社便有那許多
勳業詠甘棠歌瑞麥名傳吳越喜歸來乘鹿車看不盡山
色橫斜五柳庄近接白蓮社這歡娛怎打疊

四門子喜暮年有似嚼甘蔗着着的滋味別桂影兒重蘭
影兒疊笑吟上頻將孫子掣放一會顛撒一會呆這便是
長生妙訣

古水仙子酒酒酒不索賒好好好蟠桃宴仍將紅袖挾飲
飲飲手泣着陸地神仙敢敢敢笑指着碧天明月他他他
直吃的漏聲移砵影斜休休休管甚麼烏兔錯迭你你你

把光陰等閑休浪撇來來來喚彭錢結箇耆英社看看看
任桑田滄海幾時竭

尾聲紫閣山人性愚劣拂星斗笑倚鎮鄒把南山圖圖隨
意寫

祀先隸章

套數

雙調一闕

降神

新水令 祖宗積德慶源長這洪恩子孫難忘念爲人湏報
本舉禱祀與蒸嘗今日箇對越恭莊異靈爽蚤臨降

初獻

水仙子 釀成清酒蒲銀缸製出新聲遶画梁箏琶簫管同
嘹唳聚精神思孝享霎時間來格洋洋颯然酌如臨其止

不夕終耳 一
寥然如臨四傍瀟灑悠揚

亞獻

折桂令想當初累世行藏孝友廉平謙謹剛方仁藹鄉鄰
名傳遠近德感穹蒼漸有了科名聞望正合脩德行文章
門戶爭光忠孝傳芳子子孫孫無忝無荒

終獻

鴈兒落帶得勝令數年來構此堂四代主皆南向喜舊栽
翠柏高看遠映青山障日影轉回廊塵靄隔危墻遂却平
生志還期後嗣昌馨香蘋藻年年上禎祥兒孫箇箇強

有食

沽美酒積善的降百祥積惡的有餘殃天道昭然無少爽
又何湏細講祖宗賢子孫良

太平令瑞麒麟怎產豺狼惡鴟梟怎哺鸞鳳前簷水還從
前降噐和模還同一樣惟願的父良子良一箇箇顯揚托
賴着祖宗神貺

送神

尾聲致齋明怎敢生虛妄但行時禮度厯詳想着那神靈
歡喜享芬芳保佑的瓜瓞綿綿千百世人文越宜朗

原附栢齋何先生樂府四篇

雙調 三闋

壽漢陂先生七十

新水令 想當年聲價動春雷伏侍着

聖明千歲

只說道

青雲平步上

誰承望

黃閣壯心違事變

成虧這消息有誰會

落梅風 榮和辱是與非提起來悶懷如醉歎紅紫滿園春
去矣耐久的古松蒼翠

雁兒落 五福全世所稀八字定誰能避七十年雲水身千

百遍鶯鶯戲

得勝令看了他騎虎的勢偏危再不題附鳳的我曾陪已
拚了人愛的咱不愛常則是他悲來我不悲庭闈見說道
樓臺上瓶罍肯教將堂構頽

鴛鴦燕百年道路勞須憇一家骨肉情何忌父子嘻上兄
弟怡上唱道食有瓊羞衣燕羅綺更散誕無拘又自有無
窮味似這等高壽真箇是儔才人光前啓後的

自述

新水令喜歸來茅屋樂間身任傍人笑咱癡併開中辭世

靜處卷元神豈是要避世離群也是咱舊緣分

駐馬廳非富非貧處地名園宅似錦知時知運年上高枕
畫關門過良辰美景倒芳樽看狂歌醉舞誰風韻常暗忖
料泉田不買青山隱

沉醉京風想當日辭官奏准把平生諫稿都焚間將咱老
病身來混這庄家啍嘆浮生誰到千春休問前因與後因
對明鏡時上白頭

雁兒落也不問公卿要路津也不誇騏驎天閑駿也不談
陶潛懶做官也不說范蠡羞爲郡

得勝令常已取張翥想早之喜又念着孔子江郊麟回首處
渭北春天樹傷心也江東日暮雲沾巾嘆白髮生雙鬢敲
盆送商歌出寸唇

川撥棹想前人陷粉昆怪權臣機變緊事往愁新王石誰
分參透了盈虛蓋損富和貧到底勾

七弟兄因此上七旬老辰未臻便安排解組無多論嘆嚴
光豈是敢忘君笑范升只解論名分

梅巷酒自歸來住遠村訓劉表家豚種屈子芳蓀玩弘景
白雲有時節舉盃邀皓月揮扇障紅塵逍遙處養道真從

年後
疎林下有閒人短景內有長春深潭底有潛鱗荒
裡有靈根塵世外有清氛

收江南也不湏渭川嚴瀨坐垂綸也不湏朝經暮史講云

云也不湏利門名路走紛紛俺如今年已過六旬只將這

焚香祝壽報

君恩

歸興次羨陂先生韻

新水令問先生何處是生涯結茅廬太行山下便休題潭

潭卿相府且做箇小小野人家愛的是泉石煙霞這景物

倩誰盡

駐馬廳

想起那

仕宦榮華日日乘駟朝士馬怕的是權豪

凌駕朝朝伺候大官衙

到如今

山妻稚子自親狎那里怕

狂夫騃叟相譏罵一會家閒想咱傀儡場着盡俳優耍

沉醉東園

且隨興

桃暖韋涯

更何須

洛浦巫峽休邀行雨

仙莫賦凌波襪老先生不愛紛華做一箇散誕逍遙處士

家

險把那

嚴陵傲煞

折桂令嘆浮生思慮無涯

見如今

四體疼痛而眼昏也

不須百味珍羞千鍾美酒二八嬌娃

興來時

請朋友圍棋

打馬

倦了時

設盃盤蕨笋蒲芽而碗胡麻一筋鮮蝦

似道

等蕭散林中又何湏奔走天涯

雁兒落

開時節

教家僮學種茶

悶時節

訪鄰里相攀話

前是

田禾歲歲登

喜的是

孫子看看大

得勝令

但見他

豪貴着綾紗

便想起

辛苦種桑麻

看了這

平地眠黃犢

再不去

危途馳駿馬聒耳等琵琶今世裡甘休

罷滿眼雲霞老年來受用咱

沽美酒

看了他

急荒忙趁早衙

那能勾

得閒空翫春葩褪

後起前辛苦熬

只熬的

如鼙來似啞擔榮辱惹驚怕

太平令

爭似俺

鼓吹喧池水鳴蛙祭拜齊庭樹飛鴉錦幄

張芙蓉開文翠幃擺葡萄結架

呀

瓊肌剖瓜金波泛茶這

興趣有誰來酬價

離亭宴帶歇拍煞草亭不用鴛鴦瓦杖藜豈羨驂騑馬不

由人自諺好山水日登臨小詞出新剪綴美景物閒描回

開畦稼藥苗倚杖觀禾稼

問了時

看村童戲耍打一會狗

沁歌趕幾處牛王社卜商箇龜兒卦狂騎驢背吟劣把墻

頭踰

管甚麼

傍人笑咱這老兒非智也非愚這話兒如真

又如假

正宮一關

春興次淡陂先生韻

端正好

俺也曾

步雲霄衣緋綠謁朱門光動金鋪尋思往

事傷鄧鳩

因此上

再不躡長安路

滾繡毬

見公卿

懶問渠喜漁樵相伴居

問時節

講一會古

今人物把殘年歲月消除孔仲尼待價沽李伯陽牛馬呼

各自有一般題目他怎肯毀譽隨俗

書則苦

李斯上蔡悲

黃犬

笑則笑

寧戚南山嘆鯉魚

更有書

伊尹當厨

叨叨令

似這等

講古今談興廢把流年度

正相應

伴雲霞

友麋鹿向深山住

有時節

濯滄浪沿澗谷觀雲樹

誰待要

畫麒麟登龍虎陪鵝鷺兀的不自在煞人也麼哥兀的不

自在煞人也麼哥也休題命安排天付予人陶鑄

脫布衫

喜春來

滴蒼稍露止瓊珠機芳街苦展羅氍問東

君恨他無語倩啼鶯把春留住

小梁州貫酒還過卓氏壚且共舞躡急回頭花謝柳條枯

愁無數便沉醉未爲愚

么春來又恐把農桑誤百忙里呼喚長吁

你把

田地耕牛

羊裏場除蠶屋窠破了紙重糊

上小樓

見如今

公卿仕府

亂攘攘

豺狼盈路

他都是

和齒

靈牙疾足高材怎敢爭驅笑老夫真懦夫多憂多顧

也只

爲黃梁夢夜來新悟

么

怕的是

攀龍跨虎

喜的是

盟鷗狎鷺

我爲甚

棄了功名

守着貧寒

都只爲

遠却憂虞官况慵旅夢孤倉皇歸去且

相伴韻叨叨故山麋鹿

滿庭芳休嫌困苦春耕負米午餉携壺須知道豹隱南山

霧自有歡娛賽社慶同烹野殺看田回獨倚門閭遣興把

陶詩做看梁間燕侶吾亦愛吾廬

快活三喜兒孫長大速敢道是汗血駒教讀書須是盡三
餘除此外無別慮

朝天子看雲山繞屋積詩書滿屋不羨他人豪富粗衣淡
飯度朝晡有甚腌臢處清白家風瀟條門戶謝蒼天長做
主趙金珠滿斛爭似種桑麻百畝好親友勤相顧

四邊靜小杯盤隨時雜黍莫喚吳姬休邀子都北舍南鄰
總是歡娛處管甚懽吾徒來酒徒都寫入同盟簿

耍孩兒

耍時閒

酒闌人散還家去猛想起當年介甫紛

變法待何如空落了箇奸佞稱呼朝中宰相官三品倒不

如林下幽人酒一壺俺這里回頭顧真箇是閒門五柳空

谷生芻

五煞忘機度量寬隨俗禮貌粗太平時節難遭遇興來琢
句追騷雅醉裏看山似回圖入眼的皆佳趣魚遊綠水鷺
點青蕪

四煞安閒夢不驚清貧樂有餘平生不走崎嶇路一心自
把烟霞戀雙手難將日月扶因此上混着漁樵住再休提

千秋鳳鳥萬里龍駒

三煞戴一頂經葛巾穿一領粗布裙鄕村城市從來去到

門訪友休題鳳出郭尋春且跨驢有時節閒看人爭渡忘
言似啞兀坐如愚

二煞變寒暄陰與晴走東西虎與鳥感時對景傷遲暮鶯
啼谷口春歸早蝶戲花心雨過初我爲甚賞翫慵歸去都
只爲匆匆短景渺上長途

一煞村居足自忙權門懶去趨面前背後從人覲行藏付
與山靈管勲業何須太史書身外事無多慮也不干州衙
縣宰也不須里正鄉胥

尾聲詩吟殘閒性情酒洗開愁臟腑眼前便是神仙路

官其原
滄海桑田今又變古

碧山樂府套數下卷終